



25. marts 2019

UPA2019/26

Uunga siunnersuut: Uumasunik illersuineq pillugu Inatsisartut inatsisaata allanngortin-neqarnera pillugu Inatsisartut inatsisaat nr. xx xx xxx 2019imeersoq. (Naalakkersuisunut oqartussaasutut pisinnaatitaanermik nuussineq aamma uumasunik kinguaassiuutitigut atoqateqarnermut inerteqqussut)

(Aalisarnermut, Piniarnermut Nunalerinermullu Naalakkersuisoq)

Siullermik Siumumiit Naalakkersuisunut qujarusuprugut uunga inatsimmut "**Uumasunik illersuineq pillugu Inatsisartut inatsisaata**" allannguutissaatut siunnersummiq saqqummiussinerannut, pineqartumullu Siumut imaatumik oqaaseqaateqarusuppoq.

Siumumiit pingaartitarilluinnarpalput oqartussaafinnik amerlanerujartuinartunik nunatsinni nam-mineq tigusiartuaarnissarput, tassami nunatut namminiilivinniartutut ingerlanermi piareersaasiornet-milu tamakku aqqutsit siullit ilagisussaammassuk.

Siumumi ilisimaarilluinnarpalput nunatsinni uummasuuteqarnerup qanoq pingaaruteqartiginera pimoorunneqartigineralu, tassani uummasut suulluunnit pineqaraluarput, avannaani qimuttunik qimmeqaraanni, kujataani savaatiliugaanni aammalumi sunngiffimmi soqtigisaralugit uummasuuteqaraanni.

Tamannalumi nunarsuarmioqatitsinnut ajunnginnerpaamik nittarsaatuartariaqarparput pingaartilluin-narlugu, siunnersummi taaneqartutut ukiorpassuarni nunatta uumma-suunik atorluuaanermik nunatsinni najoruminaasinaasaqisumi inuuniuteqarsimasutut.

Nunatta siunissami nunanut allanut niuvernermini pittsaanerpaamik inisisimajuarnissaata qulakeerneqarnissaanut tamanna aqqutissiueqataasussaasoq pingaarutilik aamma paasiartuinnarpalput, taamaatumik siunnersummi pineqartutut nunatsinni uummasut pitsaasumik atugassaqarlutillu nakkutigineqartuarnissaat maanni inimi ataatsimiitarfimmi tamattaalluta inatsisiortutut akisussafeqartumik qulakteerniartussaavarput, nunatta isigineqarneranut iluaqutaasumik.

Taamaattumik Siumumi isumaqarpugut uumasunik illersuinermi malittarisassat ullutsinnut naleqqus-sartuarnissaat pisariaqarluinnartoq pimoorullugulu aallunneqar-tariaqartoq, qulaani taaneqartutut nunatta siunissami iluaqutigisassaanik.

Uanilu siunnersummi piginnaatitaafinnik politiinniit Kalaallit Nunaanni uummasut Nakorsaq-fiannut Inuussutissalerinermullu Oqartussafeqarfimmur nuussiniarneq ineriarnermi killifitta ingerlateqqinnissaanut alloriarnerusussaavoq pisariaqartoq.

Siumumiit taamatut naatsumik oqaaseqarluta inatsimmi allannguutissatut siunnersuutit soqtiginartut taperserlugin ataatsimiitaliani susassaqarfiusuni sukumiisumik suliarineqarnissaat innersuus-sutigaarput.

Simon Simonsen, Siumut